

«22» փետրվարի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Իրանի Իսլամական Հանրապետության քաղաքացի Դավուդ Շամսոլլահի Մազահերի (անձնագիր՝ R46341037, ԻԻՀ, ք.Ուրմիա, Շահքեր պողոտա, Բոնբաստե փողոց, տուն 46) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի դեկտեմբերի 23-ին ՀՀ ՊԵԿ ՄԴՊՎ ՍՏԲ Մեղրիի բաժանմունքի աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, ԻԻՀ քաղաքացի Դավուդ Շամսոլլահի Մազահերի կողմից շահագործվող «SCANIA H 113» մակնիշի, 18AB935/936 պետհամարանիշի բեռնատարը, ինչի արդյունքում, նշված բեռնատարի բեռնախցիկի կողային հատվածում տեղադրված ոչ գործարանային բաքից, վարորդի խցիկի ետնամասում գտնվող ոչ գործարանային բաքից և ինքնաթափի համար նախատեսված յուղի բաքից հայտնաբերվել է 360 լիտր չհայտարարագրված դիզելային վառելիք: Ըստ վարորդ ԻԻՀ քաղաքացի Դավուդ Շամսոլլահի Մազահերիի բանավոր հայտարարության վերոնշյալ դիզելային վառելիքը բերել է վաճառելու նպատակով:

23.12.2022 թվականին ՀՀ ՊԵԿ ՄԴՊՎ ՍՏԲ Մեղրիի բաժանմունքի մաքսային տեսուչի կողմից քաղաքացի Դավուդ Շամսոլլահի Մազահերի նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ վերոնշյալ ապրանքները, որպես իրավախախտման անմիջական օբյեկտ, վերցվել և ի պահ են հանձնվել Մեղրիի մաքսային կետ-բաժնի պահեստում:

ԻԻՀ քաղաքացի Դավուդ Շամսոլլահի Մազահերիին ուղարկվել է գործի քննության մասին ծանուցագիր, սակայն մինչև գործի քննության օրը փոստային ծառայության կողմից հետադարձ ծանուցում չի տրամադրվել:

Հաշվի առնելով այն հանգամանքը, որ փոստային ծառայության կողմից հետադարձ ծանուցումը չի վերադարձվել և քաղաքացու ծանուցված լինելը պարզված չէ, վարչական վարույթի շրջանակներում հարցում է կատարվել ՀՀ Ոստիկանության անձնագրային և

վիզաների վարչությանը՝ նպատակ ունենալով պարզել քաղաքացի Դավուդ Շամսուլլահի Մազահերիի հաշվառման վայրը:

ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի Դավուդ Շամսուլլահի Մազահերի վերաբերյալ բնակչության պետական ռեգիստրի պահոցում տեղեկություն չկա:

Քաղաքացի Դավուդ Շամսուլլահի Մազահերի սահմանահատումների պատմությունը ստանալու նպատակով՝ 20.02.2023 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն, համաձայն որի քաղաքացի Դավուդ Շամսուլլահի Մազահերիի վերջին սահմանահատումը տեղի է ունեցել 19.02.2023 թվականին ժամը 21:03-ին Ագարակ պետական սահմանի անցման կետով մուտք է գործել ՀՀ:

Վարչական վարույթի շրջանակներում՝ թիվ 431 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքի մաքսային արժեքը, վճարման ենթակա մաքսային վճարների չափերը, ոչ սակագնային կարգավորման միջոցների կիրառելիությունը:

ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 04 մտից համարի տեղեկանքի համաձայն՝ 23.12.2022 թվականի դրությամբ 360 լիտր դիզելային վառելիքի մաքսային արժեքը կկազմեր **139408** ՀՀ դրամ, մաքսային վճարները կկազմին 44135 ՀՀ դրամ և նույն տեղեկանքի համաձայն՝ ԵՏՀ կոլեգիայի 21.04.2015 թվականի թիվ 30 որոշմամբ դիզելային վառելիքի նկատմամբ սահմանված են ոչ սակագնային կարգավորման միջոցներ:

«Հայփոստ» ՓԲԸ-ի պաշտոնական կայքէջի [/https://www.haypost.am/](https://www.haypost.am/) ուսումնասիրությունից պարզվել է, որ ԻԻՀ քաղաքացի Դավուդ Շամսուլլահի Մազահերիին այս գործի օրվա, ժամի և վայրի մասին պատշաճ ծանուցվել է, սակայն չի ներկայացել գործի քննությանը, գրավոր բացատրություն կամ դիրքորոշում չի ներկայացրել:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության

մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 316-րդ հոդվածի 1-ին մասի համաձայն՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում»:

«Մաքսային կարգավորման մասին» ՀՀ օրենքի 316-րդ հոդվածի 4-րդ մասի համաձայն՝ «սույն հոդվածի 1-ին մասով սահմանված արարքը, որն առաջացնում է արգելքների և սահմանափակումների, ոչ սակագնային կարգավորման միջոցների չկիրառում՝ առաջացնում է տուգանքի նշանակում՝ այդ ապրանքների կամ տրանսպորտային միջոցների մաքսային արժեքի քսան տոկոսի չափով, բայց ոչ պակաս, քան երեսուն հազար դրամի չափով»:

Հիմք ընդունելով և ղեկավարվելով «Մաքսային կարգավորման մասին» ՀՀ օրենքի 316-րդ հոդվածի 4-րդ մասով, 322-րդ հոդվածներով և 334-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի Դավիդ Շամսոլլահի Մազահերիին «Մաքսային կարգավորման մասին» ՀՀ օրենքի 316-րդ հոդվածի 4-րդ մասով

սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **30000 ՀՀ դրամ**:

2. Որոշման մասին հայտնել Իրանի Իսլամական Հանրապետության քաղաքացի Դավուդ Շամսոլլահի Մազահերիին:

3. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

4. «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. **900005024055՝ 30000 ՀՀ դրամ, նշել 30 կողմ**:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ